

Broj: 02-11-4-494-14/20
Sarajevo, 05.06.2020.godine

Na osnovu člana 70. st. (1) i (3) Zakona o javnim nabavkama („Službeni glasnik BiH”, broj: 39/14), a na prijedlog Komisije za javne nabavke, imenovane Rješenjem, broj: 02-11-4-494-1/20 od 27.04.2020. godine, federalni ministar raseljenih osoba i izbjeglica **d o n o s i**

ODLUKU
o izboru najpovoljnijeg ponuđača za nabavku roba
hrana i sredstva za higijenu za potrebe
Federalnog ministarstva raseljenih osoba i izbjeglica

I

U cilju odabira najpovoljnijeg ponuđača, nakon provedenog otvorenog postupka javne nabavke roba – hrana i sredstva za higijenu za potrebe Federalnog ministarstva raseljenih osoba i izbjeglica, evidencijski broj nabavke: 02-11-4-494-3/20 od 30.04.2020. godine, broj obavještenja o nabavci sa portala javnih nabavki: 668-1-1-34-3-59/20 od 08.05.2020.godine, sažetak obavještenja objavljen u Službenom glasniku BiH – Oglasnik javne nabavke, broj: 26/20, kao najbolje ocijenjena prihvatljiva ponuda, nakon uspješno okončane e-aukcije je ponuda ponuđača:

TPDC d.d. Sarajevo, sa ukupnom cijenom ponude bez PDV-a u iznosu od 205.000,00 KM.

II

Ponuda ponuđača iz tačke I ove odluke ocijenjena je prihvatljivom, jer ispunjava sve uslove postavljene tenderskom dokumentacijom, a koja je ujedno, prema kriteriju za dodjelu ugovora (najniža cijena), nakon okončane e-aukcije najpovoljnija za Federalno ministarstvo raseljenih osoba i izbjeglica.

III

Izabrani ponuđač dužan je dostaviti dokaze o kvalificiranosti u roku od 5 (pet) dana od dana obavještenja od strane ovog ministarstva o rezultatima postupka nabavke.

IV

Za realizaciju ove odluke zadužuje se Sektor za pravne, finansijske i opće poslove ovog Ministarstva.

V

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka, broj: 02-11-4-494/20 od 27.04.2020. godine. Javna nabavka provedena je putem otvorenog postupka nabavke. Procijenjena vrijednost nabavke iznosila je 240.000,00 KM bez PDV-a za dvije godine i predviđena je Planom javnih nabavki za 2020. godinu Ministarstva, dio I Robe, pod rednim brojem 7. – hrana i sredstva za higijenu. Obavijest o nabavci, broj: 668-1-1-34-3-59/20 poslana je na objavu 08.05.2020. godine, te je zajedno sa tenderskom dokumentacijom, istog dana objavljena na portalu Javnih nabavki. Za ovaj postupak nabavke ugovorni organ je predvidio zaključivanje okvirnog sporazuma sa jednim ponuđačem na 2 godine i provođenje e-aukcije.

Tendersku dokumentaciju preuzelo je 27 privrednih subjekata, a 7 ponuđača dostavili su ponude u predmetnom postupku nabavke. Sve ponude dostavljene su blagovremeno. Ponude su dostavili sljedeći ponuđači: Robot General Trading d.o.o Sarajevo, Bosna-kom d.o.o Gračanica, TPDC Sarajevo d.d. Sarajevo, Inter-com d.o.o Zenica, Gold Mignon d.o.o. Sarajevo, Gemex d.o.o Sarajevo i Vinojug d.o.o. Sarajevo.

Komisija za javne nabavke, imenovana Rješenjem, broj: 02-11-4-494-1/20 od 27.04.2020. godine, izvršila je pregled i evaluaciju pristiglih ponuda i konstatovala da se od ukupno 7 (sedam) zaprimljenih ponuda, jedna odbacuje kao neprihvatljiva i to ponuda ponuđača: Robot General Trading d.o.o Sarajevo, a da su ponuđači Bosna-kom d.o.o Gračanica, TPDC Sarajevo d.d. Sarajevo, Inter-com d.o.o Zenica, Gold Mignon d.o.o. Sarajevo, Gemex d.o.o Sarajevo i Vinojug d.o.o. Sarajevo dostavili prihvatljive ponude u predmetnom postupku nabavke.

Ponuda ponuđača Robot General Trading d.o.o Sarajevo, odbačena je iz sljedećeg razloga:

Obrazac za cijenu ponude nije popunjen kako je to zahtjevano tenderskom dokumentacijom.

U Aneks III, u obrascu za cijenu ponude u dijelu „Napomena“ pod tačkom 1. je definirano:

„Pod pojmom cijena podrazumijeva se cijena sa uračunatim prevozom franco krajnji korisnik na lokacijama isporuke robe na području Bosne i Hercegovine, upakovanu u odgovarajućoj kartonskoj ambalaži i to odvojeno hrana od sredstava za higijenu, bez dodatnih troškova za ugovorni organ“, dok je ponuđač ispod ispunjene tabele sa specifikacijama, naveo da „trošak transporta paketa na području BiH nije uračunat u ponudene cijene. Isti se obračunava po pređenom kilometru x 1,40 KM sa pdv-om, faktura za transport se izdaje odvojeno od fakture robe“.

Na dnu istog obrasca, ponuđač je upisao da „sastavni dio ovog obrasca za cijenu ponude-robe je obrazloženje ponude br.352/20“ kojim navodi da je ponudio drugačije gramaže pojedinih artikala od onih kako je traženo u specifikaciji roba.

Uzimajući u obzir naprijed navedeno, ponuda ponuđača Robot General Trading d.o.o. Sarajevo, odbacuje se kao neprihvatljiva.

Nakon izvršenog pregleda i evaluacije ponuda i uspješno okončane e-aukcije, Komisija je dostavila federalnom ministru raseljenih osoba i izbjeglica Zapisnik o pregledu i ocjeni ponuda, broj: 02-11-4-494-13/20 od 29.05.2020. godine zajedno sa Preporukom o izboru najpovoljnijeg ponuđača TPDC Sarajevo d.d. Sarajevo, sa registriranim sjedištem u ul. Rajlovačka bb, 71 000 Sarajevo, ID broj: 4200115050005.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije.

U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač dostavio je prihvatljivu ponudu u skladu sa uslovima postavljenim u tenderskoj dokumentaciji, a u skladu sa kriterijem za dodjelu ugovora ponudio je najnižu cijenu.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

Dostaviti:

1. Svim ponuđačima u postupku
2. Komisiji za nabavke
3. Sektor za pravne, finansijske i opće poslove
4. a/a

MINISTAR

dr. sci. Edin Ramić